

Prijedlog

**Izvještaj o radu ESV-a za teritoriju
FBiH**



**UDRUŽENJE
POSLODAVACA**

April 2023. godine

**Udruženje poslodavaca u FBiH
Upravni odbor**



Uvod

Za razliku od prethodnih godina broj sjednica je smanjen, ali je povećan u odnosu na period u toku 2019 do 2021.godine. Uspostavljena dinamika i razmatrane teme je nedovoljna u odnosu na brojne izazove i odgovornosti koje stoje pred ovim važnim tijelom .

Delegacija Udruženja poslodavaca u FBiH je uvijek bila u punom sastavu na zakazanim sjednicama i tokom 2023. godine na strani poslodavaca nije bio upitan interes i kvorum za rad ESV-a.

Kroz rad naše delegacije u Ekonomsko-socijalnom vijeću u protekloj godini smo insistirali na provođenju mjera i aktivnosti od strane institucija vlasti. Tokom čitavog perioda, delegacija UPFBiH bila je aktivna u pozivanju odgovornih za organizaciju sjednica i uvrštavanje tačaka na dnevni red ESV .

Također, Udruženje poslodavaca Federacije je putem Ekonomsko socijalnog Vijeća Federacije BiH pokretalo inicijative za izmjene i dopune Zakona i podzakonskih akata koje su od izuzetnog značaja za poslodavce. Delegacija poslodavaca u ESV-u je argumentovano branila svoje prijedloge i stavove.

Poznata situacija u FBiH oko izbora održanih prošle godine, kao i oko kasnije uspostave vlasti, što traje do danas, rezultira očiglednim nepostojanjem interesa i neodlučnošću za unaprjeđenje rada ESV, sazivanje sjednica i usaglašavanje važnih pitanja između partnera u radu ESV. Delegacija UPFBiH izdvaja se po svojim pritiscima i zahtjevima prema rukovodstvu ESV-a za unaprijeđenje stanja i nastaviti će institucionalni i javni pritisak na sve odgovorne, na svim nivoima, a posebno na nivou FBiH s ciljem uspostave ekonomsko-socijalnog dijaloga i unaprijeđenja rada i funkcionisanja ESV .

Sjednice ESV-a

Ekonomsko-socijalno vijeće za teritoriju Federacije BiH u 2022. godine održalo je ukupno tri sjednice i tri Kolegija ESV-a.

Razmatrana je ukupno 18 tačka dnevnog reda.

Na navedenim sjednicama ESV-a razmatrani su:

- Usvajanje zapisnika sa nastavka 10.(130.) sjednice i redovne 11.(131.) sjednice ESV-a;
- Razmatranje prijedloga Udruženja poslodavaca FBiH Zakona o izmjenama i dopunama Zakona o doprinosima i Zakona o dopuni Zakona o porezu na dohodak
- Pravilnika o dopuni Pravilnika o primjeni Zakona o porezu na dohodak;
- Usklađivanje najniže plaće, u skladu sa članom 78. Zakona o radu („Službene novine Federacije BiH", br. 26/16, 89/18 i 44/22) i člana 6. Uredbe o metodologiji izračuna i usklađivanja najniže plaće („Službene novine Federacije BiH", broj: 106/21)
- Zakon o najmanjem primanju u Federaciji BiH;

-
- Izvještaj o realizaciji Tekućeg transfera neprofitnim organizacijama ESV-a za period 01.01.-31.12.2021. godinu;
 - Informacija o realizaciji projekta ESAP;
 - Analiza primjene Uredbe o metodologiji izračuna i usklađivanja najniže plaće;
 - Liberalizacija uvoza deficitarne radne snage;
 - Socio-ekonomski status radnika u Federaciji BiH i potreba usklađivanja plaće sa troškovima života;
 - Izmjene i dopune Uredbe o metodologiji izračuna i usklađivanja najniže plaće u Federaciji Bosne i Hercegovine
 - Prijedlog odluka o proširenju primjene granskih kolektivnih ugovora na sve poslodavce na teritoriji Federacije Bosne i Hercegovine
 - Odluka o proširenju primjene granskog kolektivnog ugovora za djelatnost trgovine
 - Odluka o proširenju primjene granskog kolektivnog ugovora za djelatnost građevinarstva
 - Odluka o proširenju primjene granskog kolektivnog ugovora za djelatnost drvne i papirne industrije
 - Odluka o proširenju primjene granskog kolektivnog ugovora za djelatnost cestovnog prometa

Ostale tačke dnevnog reda su usvajanje zapisnika, zaključaka i razno.

Ekonomsko socijalno vijeće je po tačkama dnevnog reda donosilo zaključke od kojih ćemo izdvojiti sljedeće ZAKLJUČKE:

- Usaglašeni i jednoglasno podržani prijedlozi Udruženja poslodavaca FBiH Zakona o izmjenama i dopunama Zakona o doprinosima i Zakona o dopuni Zakona o porezu na dohodak.
- Ekonomsko-socijalno vijeće je podržalo Prijedlog odluka o proširenju primjene granskih kolektivnih ugovora na sve poslodavce na teritoriji Federacije Bosne i Hercegovine, u oblasti cestovnog prometa, za djelatnost trgovine, za djelatnost građevinarstva, te za djelatnost drvne i papirne industrije. Također, prihvata se inicijativa Sindikata metalaca Federacije BiH za proširenje primjene kolektivnog ugovora za djelatnost proizvodnje i prerade metala na sve poslodavce na teritoriji Federacije Bosne i Hercegovine.
- Ekonomsko socijalno vijeće je shodno članu 78. Zakona o radu (st. 1. i 3.) izvršilo konsultacije i predlaže da socijalni partneri do sutra dostave Vladi Federacije BiH pismene primjedbe i prijedloge na Uredbu o metodologiji izračuna i usklađivanja najniže plaće, koje Vlada Federacije BiH treba da razmotri, eventualno napravi konzultacije sa socijalnim partnerima i donese Uredbu do kraja godine kako bi se primjenjivala od 01.01.2022. godine.

Upravni odbor